



## 2020-2021 IKASTURTEAN EUSKARA IKASTEKO OLTZA ZENDEAKO UDALAREN BEKA DEIALDIA

Oltza Zendeako udal esparruan euskararen erabilera eta sustapena arautzen dituen Ordenantzaren zioen azalpenean aitortzen dira herritarrek mendeetan barrena hitz egin duten hizkuntzaren herentzia historikoa onartzeko borondatea, euskara herritar guztien kultur ondareztat eta udalerrriaren berezko hizkuntzatzat hartzea eta herritarrek herrian hizkuntzaren sustapena eta normalizazioaren alde duten borondatea. Horren harira, ordenantza horrek aurreikusten du euskara ikasi nahi duten udalerriko helduentzat urtero beka deialdia egitea.

Udalak, horretaz jakitun, beka deialdia argitaratzen du honako oinarriak dituen:

### LEHENA.- XEDEA

Oltza Zendeako herritarren artean, beka sistemaren bidez, euskararen ezagutza eta erabilera sustatzea. **Ikastaroak 2020ko urriaren 1etik 2021eko irailaren 30era egin behar dira**, bai modu estentsiboan (presentzialak, urrutikoak edo autoikaskuntzakoak), bai trinkoan ere (barnetegiak barne).

### BIGARRENA.- ONURADUNAK

Beka eskatu ahal izateko honako baldintza minimoak bete behar dira:

- Eskaera aurkezten den egunean 16 urte beteak izatea.
- Oltza Zendea erroldatuta egon eta bertan bizitzea, gutxienez eskaera aurkeztu baino 6 hilabete lehenago.
- Oltza Zendeako Udalarekin zerga guztiak egunean izatea.
- Azaroaren 17ko 38/2003ko diru-laguntzen lege orokorraren IV tituluan agertzen diren arau-hausteengatik zigorra jaso ez izatea.
- Goian aipatzen diren ikastaro horietako batean matrikulatuta egotea.

Halaber, eskatu ahalko dute beka aurreko ikasturtean egindako maila errepikatzen ari direnek (edo euskara ikasi zuten azken urteko maila), lehenengo errepikapena bada.

Baztertuta gelditzen dira deialdi honetatik Administrazio publiko batean edo haren erakunde autonomoetan lan egiten duten Oltza Zendeako herritarrak, bertako euskalduntze planetan sartuta badaude.

Halaber, baztertuta gelditzen dira deialdi honetatik Oltza Zendeako Udalak Euskara Zerbitzuaren bidez antolatzen eta diruz laguntzen dituen euskara ikastaroak, eta partikularrek emandako klaseak.





## **HIRUGARRENA.- ESKATZAILE ETA ONURADUNEN BETEBEHARRAK**

Deialdi honetan agertzen diren beken edo diru-laguntzen eskatzaile edo onuradunek honako baldintzak bete beharko dituzte:

- Euskara Zerbitzuaren eskura izatea eskabideko datuei buruz eskatzen ahal zaien edozein egiaztatze edo argibiderako.
- Emandako dirua aurreikusitako helburura bideratzea. Horretarako, ikasturtearen bukaeran justifikatu beharko da gutxienez %70eko asistentzia. Autoikaskuntzaren kasuan justifikatu behar da egindako ikastaroaren gutxieneko helburuak beteak izatea. Aipatutako bi ziurtagiriak ikastaroa egin den zentroaren ziurtagiri ofizialak izan beharko dira.
- Udaleko Euskara Zerbitzuari eskabidean eskatutako ikastaroaren baldintzen edozein aldaketa jakinaraztea.

## **LAUGARRENA.- AURREKONTUKO DIRU-ZUZKIDURA**

Oltza Zendeako Udalak euskara ikasteko beka izeneko 700 euroko aurrekontuko partida hornituko du 2021eko aurrekontuen kargura.

## **BOSGARRENA.- ESKABIDEAK**

Eskabideak, beka hau argitaratzen denetik 2021eko irailaren 30eko 14:30ak bitarte aurkeztu ahalko dira edo Administrazio Publikoko Administrazio Prozedura Erkideko urriaren 1eko 39/2015 Legearen 16.4 artikuluan azaldutako bitartekoen arabera.

Eskabidea Correoseko bulegoren batean aurkeztuz gero, gutunazal irekiarekin egingo da, Correoseko langileek egiaztatu aurretik eskabideari data eta zigilua ipini diezaioten.

Epea luzaezina izango da.

Eskabideak osorik bete beharko dira eta honako dokumentazioarekin batera aurkeztu beharko dira:

- Oltza Zendeako Udaleko instantzia.
- Eskatzailearen IFZ/IEZ-ren fotokopia.
- Errenta aitortpena.
- Ikastaroaren entitate antolatzailearen ziurtagiria; bertan zehaztuko dira maila, hasiera data, bukaera data, ordu kopuru orokorra eta ikastaroaren kostua.
- Matrikularen ordainagiria.





- Beka jaso nahi duen bankuko kartilaren lehenengo orriaren fotokopia. Eskatzailea kontu horren titularra edo kotitularra izan beha da.
- Langabezia adierazten den eskabideetan egoera justifikatzen duen dokumentazioa aurkeztu beharko da.
- Beste erakundeen laguntzarik jaso ez deneko edo haien kopuruaren gaineko zinpeko aitortpena.
- Lehenago aipatutako aprobetxamendu ziurtagiria, emandako beka aurreikusitako helbururako erabili dela frogatzeko, hau da, klaseetan gutxienez %70eko asistentzia izatea, edo urrutiko ikastaroetan, egindako ikastaroaren gutxieneko helburuak beteak izatea.

Eskabideak deialdi honetan adostutako baldintzak eta dokumentazioa beteko ez balitu, eskatzaileak gehienez ere 10 egun balioduneko epea izango du akatsa zuzentzeko. Hala egiten ez badu, eskaerari uko egiten diola ulertuko da, Administrazio Publikoko Administrazio Prozedura Erkideko urriaren 1eko 39/2015 Legearen 68.1 artikuluan ezarritako baldintzen arabera egindako ebazpenaren kariatara.

## **SEIGARRENA.- ESKABIDEEN BALORAZIOA**


Eskabideak ondoren adierazten den bezala baloratuko dira:

- Kontutan hartuko dira familiaren urteko diru-sarrera gordinak (errenta aitortpeneko 507, 8810 eta 8808 laukitxoetako kopuruen batura ken 708 laukitxoko kopurua) eta familia unitatea osatzen duten pertsonen artean zatitu.
- Familiaren diru-sarrerak gordinentzat hartuko dira, beka eskatzen den familia unitatekoak direnak. Eskatzailea gurasoekin bizi bada, horien diru-sarrerak ere kontutan hartuko dira. Berriz, ez dira kontutan hartuko anai-arrebak edo etxebizitza berdinean bizi diren beste kideenak, baldin eta ez badute inolako senidetasunik.
- Diru-sarrerak ziurtatzeko, azkeneko Errenta Zergaren aitortpenaren fotokopia aurkeztu beharko da, edo, aitortpena egiteko beharra ez dutenen kasuan, hori adierazten duen Foru Ogasunak eginiko agiri bat. Hori aurkeztu ezean, eskatzaileak jasotako familiaren diru-sarrera gordinen Zinpeko Aitortpena aurkeztu beharko du, eta ziurtagirierekin frogatu.
- Aurreko guztiak aparte, eskatzailearen familiako diru-sarrera errealak frogatzeko, Udalak beharrezkoak baiesten dituen froga-agiri guztiak eska ditzake.

## **ZAZPIGARRENA.- ZENBATEKOAK**

Bekaren zenbatekoa gehienez ere 250 eurokoa izanen da lanean dabilzan pertsonentzat eta 450 eurokoa berriz, langabezian daudenentzat eta ondorengo baremo ekonomikoaren arabera banatuko da:





OLTZA ZENDEAKO UDALA

## ORORBIA

(Navarra) (Nafarroa)

PCE <5.000 € .....	90%
PCE 5.001 € eta 8.000 € artean .....	70%
PCE 8.001 € eta 10.000 € artean .....	55%
PCE 10.001 € eta 15.000 € artean .....	35%
PCE 15.001 € eta 20.000 € artean.....	25%
PCE >20.000 € .....	15%

Beken eskaera urte batekoa izanen da, eta ematea baldintzatuta egonen da eskatu duen ariketa ekonomikoan Udalak duen aurrekontua izateari.

**Edozein kasutan, eta aurrekontu izatearen arabera, eta eskatzaile kopuruaren arabera, beharrezkoa balitz, onuradun bakoitzari dagokion ekarpena proportzionalki hainbanatu ahal izango da, eskatzaile guztien artean.**

### ZORTZIGARRENA.- BEKAK EMATEA

Espedientearen bideratzea Kultura, Euskara, kirola eta festetako Informazio-Batzordeari egokituko zaio, Udaleko Euskara Zerbitzuak egindako txostena oinarri hartuta. Oltza Zendeako Udaleko alkateak aurkeztutako eskaeren laguntzak ebatziko ditu.

Nagusiki, ondorengo irizpideak kontutan hartuko dira:

- Laguntza eskatzen deneko kurtsoaren interes maila.
- Eskatzailearen egoera sozioekonomikoaren balorazioa.

Behin-behineko ebazpena argitaratu ondoren, horrekin ados ez daudenek, alegazioak aurkeztu ahal izango dituzte behin-behineko ebazpenean adierazten den moduan eta epean.

Alegazioak aztertu ondoren, 2021eko abenduaren bukaeran deialdia behin betiko ebatziko da.

Onuradunek behin betiko ebazpena jaso, eta hurrengo hilabetean kobratuko dute dagokien laguntza horretarako eman duten kontuan.

Udalak informazio osagarria eskatu ahalko du eta diruz laguntzen dituen jarduerak ikuskatu eta kontrolatu ahalko ditu.

Oinarri hauek ez betetzeak emandako laguntza bertan behera uztea ekarriko du, emandako dirua itzuli beharko da eta hurrengo deialdian parte hartzeko eskubidea galduko da.

Beka ukatuko da edo dirua itzuli beharko da, bereziki, dirua eskatutako helbururako erabiltzen ez bada edo dokumentuak faltsutzen badira.





## **BEDERATZIGARRENA.- DATU PERTSONALAK BABESTEA**

Eskatzaileek emandako datu pertsonalen tratamenduaren arduraduna Oltza Zendeako Udala da.

Datuen tratamenduaren helburua, diru-laguntzen kudeaketa bera da, deialdian azaldutako oinarriak kontutan hartuta.

Legezko oinarria, 2016/679 Araudiaren (EB) (interes orokorrarekin egindako misioaren betetzea) 6.1. e) Artikulua da, uztailaren 2ko Nafarroako Toki Administrazioaren 6/1990 Foru Legearen eta azaroaren 17ko 38/2003 Diru-laguntza Orokorraren Legearen arabera.

Aipatutako datuen ematea, Diru-laguntzen Legeak zehazten ditu eta maiatzaren 17ko 5/2018 Gardentasunaren Foru Legeak, informazio publikorako eta aginte onerako sarbide.

Datuak, apirilaren 4ko 12/2007 Artxibo eta Dokumentuen Foru Legearen eta ekainaren 14ko 51/2016 Foru Dekretuaren arabera gordeko dira.

Eskubideak: legez aurreikusitako suposizioetara sarbidea, zuzenketa, ezabatzea, eramatea, oposizioa eta mugatzea.

Informazio gehiago honako web gunean:

<https://ayuntamientoolza.sedelectronica.es/transparency/8527b94e-7228-444e-9841-c9c0fb96711d/>.<sup>1</sup>

## **HAMARGARRENA.- APLIKATZEKO DEN LEGERIA**

Deialdi hau dokumentu honetan bildutako oinarrien arabera arautuko da eta oinarri hauetan aurreikusirik ez dagoen guztia, Oltza Zendeako Udalaren diru-laguntzei buruzko Ordenantza arautzaileak arautuko du; azaroaren 17ko 38/2003 Diru-laguntzen Lege Orokorra eta uztailaren 21eko 887/2006 Errege-Dekretuak onartutako Arautegia; eta aplikatzeko gainerako arautegia.

Oltza Zendea, elektronikoki sinatzen den datan

<sup>1</sup> Datuen Babesa: Dokumentu honetan erregistratutako datuen tratamenduaren arduraduna Oltza Zendeako Udala da. Tratamenduaren gaineko helburuen eta baldintzen informazio osatua deialdiko oinarrien 9.klausulan zehaztuko da eta honako web gunean <https://ayuntamientoolza.sedelectronica.es/transparency>.

